

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



Dus da blers lavoratoris d'artists

A Schluein e Trun han trais artistas e trais artists mussà lur ateliers e lur lavurs a la populaziun. **Pagina 5**



Il premi cultural da Vaz va a Lukas Moos

Organist, dirigent, scolast da musica ed insumma in talent musical – il victur dal premi Lukas Moos. **Pagina 8**

FMR FUNDAZIUN
MEDIAS
RUMANTSCHAS

südostschweiz

ENGIADINA

Dad ün di sün tsel es tuot oter

Ün accidaint cul velo ha müdà als 8 d'october 2020 la vita da Beat Grond (75) da Müstair. El s'ha ruot il settavel spondil ed es daspö là avisà ad üna sopcha cun roudas. Al Center per paraplegia Svizzer a Nottwil i'l chantun Lucerna ha'l imprais d'ürant nov mais da viver culla situaziun. Principi da lügl ha'l pudü finalmaing tuornar a chasa. Müdà s'ha però eir la vita da sia donna Beatrice Grond (73). Impustüt il prüm temp davo l'accidaint d'eira per ella fich greiv. Eir ella s'ha stuvü adüsar vi d'üna nouva normalità. La forza per superar quel temp tils han dat impustüt lur trais uffants ed ils abiadis. Ma eir ils conumans chi han tut part a lur destin. (fmr/an) **Pagina 9**

SURSELVA

Gi da caglioms a Trin



Dus buobs fatschentai cun tagliar in nitscholer. FOTO AUGUSTIN BEELI

Mintg'uter onn dat ei ella vischnaunca da Trin in gi da mobilitaziun ora ella cuntrada. La scola organisescha il Gi da caglioms. Igl ei in gi d'acziun dalla scola primara e dil forestaesser. Il meinascola ha puspei organisau quel en collaboraziun cul selviculter Vincenzo Gallati. 110 affons, cun lur geniturs, vitier ils nov purs da Trin e rodund 40 voluntaris dil Project Uaul da muntogna, ein separticipai uonn. En tut han rodund 300 persunas luvrau el territori Coma Sut ed Acla. Scolaras e scolars dalla tiarza e quarta classa primara han giu in pensum special: Avon che tuts ein semess alla lavur da far uorden, tagliar e rimnar roma, han els declarau a lur conscolars ed als carschi la muntada che muschnas e caglias han per ina gronda varietad da creatiras. (fmr/abc) **Pagina 7**

GRISCHUN

Emprima badigliada per il colosseum d'innovaziun

La InnoQube Swiss SA ha dà venderdi passà l'emprima badigliada per il center d'innovaziun InnoQube Swiss a Cuirra. Quel duai custar circa 25 milliuns francs e stgaffir radund 300 novas piazzas da lavur sin in spazi da 11 200 meters quadrats. «Inno» stat per innovaziun e «Qube» per cubus. Innovaziun en in bajetg è pia il concept. Quel duai porscher in dachasa a start-ups, spin-offs, a l'industria en general ed a perscrutadras e perscrutaders durant l'entir onn u era per in temp limità. L'intern da l'edifiz regorda tenor l'architect Valentin Bearth al colosseum da Roma. L'apparientscha exteriura duai sa complettar cun il conturn. «Il bajetg duai dentant be esser la culissa» ha Franco Quinter, il president dal cussegl d'administraziun da la InnoQube Swiss SA declarà. «En il nov center vegn lavurà, perscrutà e vivì», è el persvadi. L'avertura e prevista per il schaner 2024. (fmr/mg) **Pagina 2**

Stizun Lumnezia, in model

La stizun da Vignogn ha serrau la fin d'october sias portas. Il destin d'atras stizuns dil vitg vala buca per Vignogn. Amiez la Lumnezia nescha il project Stizun Lumnezia.

AUGUSTIN BEELI/FMR

La cooperativa ViVal Lumnezia meina duas stizuns ed ina pasternaria. Igl ei ina purschida dalla vallada per la vallada. Cun ina sviulta da 1,7 milliuns francs ad onn eis ei ina historia da success. La cooperativa ha ils davos onns denton era stuii dumignar sfidas, aschia ha ella stuii serrar duas stizuns. Quella che ha serrau la fin d'october 2021 a Vignogn s'udeva buca alla ViVal, mobein alla Dehag. La detaglista associada al Volg ha fatg cuortas culs da Vignogn. Per motivs da rentabilitad ha ella dau adia defini-

«La marca Lumnezia ha grond potenzial»

Daniel Blumenthal,
president associaziun ViVal Lumnezia

tivamein dalla Lumnezia. Quei ha la populaziun resentiu. Ina gruppa d'interess cun indigens e hosps da vacanzas ei seformada. Cun agid dalla ViVal Lumnezia e dalla fundaziun Linsi arva in niev negozi sonda proxima puspei amiez la Lumnezia. Il project cul tetel Stizun Lumnezia ei ina schanza. La nova stizun da Vignogn porscha buca mo products e colonias dil mintgagi. Duas gruppas da students dalla Scol'aula specialisada dil Grischun accumpogna il project. Quel include e plidenta producents dalla vendita directa. **Pagina 5**

«Il grond applaus havess maneivel tunschiu
per in «fetz bien» tochen in «excellent.»»

Il redactur da la FMR dat gist ina nota al concert da giubileum da la Societad da musica Danis-Tavanasa – Pagina 15



FOTO DAVID TRUTTMANN

«Per las vias» a Domat

Per la 30avla giada han gi lieu la fin d'emna a Domat ils Dis da litteratura. Sut il chavazzin «giud via» han amis ed amias da la litteratura rumantscha sa dumandà – suenter la pausa sfurzada dal coronavirus – nua che la litteratura è insumma «per via»?

DAVID TRUTTMANN/FMR

Cun ina fimaglia immensa ha Sara Francesca Hermann dal comité d'organisaziun dà il venderdi saira il culp da partenza. Suenter dus onns pausa dals «dis», suenter in brav temp d'abstinenza culturala. Bain pussaivel ch'ils amis e las amias da la litteratura rumantscha han bramà da sa scuntrar puspè. La Sala Tirca era quest onn

numnadamain emplenida sco mo darar, gia il venderdi saira, ma surtut la sonda e la dumengia è vegnida blera glieud a Domat. Ralf Beer, in dals quatter commembers dal comité, ha ditg che «segir dapli che 400 persunas» hajan chattà la via a Domat. Però co è stada questa «via» durant ils Dis da litteratura? Tge è suandà, suenter che la fimaglia è tschessada en la Sala Tirca? Ina survista dals trais dis da «viadi», en etappas.

Emprima etappa – da divas e disas

Perquai ch'ils DDL han gi lieu per la 30avla giada ha era in dals trais fundatur dal 1990, Benedetto Vigne, raquintà a Domat da las entschattas dal festival. El ha regurdà a l'inizi plitost selvadi e caotic dals «trais confederads» al tgamun organisatoric – el sez, Flurin Spescha e Clo Duri Bezzola. Tenor Benedetto Vigne èn quai stadas trais detgas «divas». **Pagina 3**



10045

Servetsch d'abunents e da
distribuziun: tel. 0844 226 226
mail: abo@somedia.ch

9 771424 749004